



Hivuliujuq piumaluaqtajuq, angirutiqagiikhimajutin havagianganik qilaminuaq hanaqidjutikharnik ukuninga:

- Havaklutiklu ihuaqtumik naunaitkutikharnik hanaujaliqiniaqtun havagvikjuarnilu ajuiqhautikharnik pinahuarutingnik aulatitijaangat talvuuna nunalaani ajuiqhautikharnik katimaviini pingahuujunik iliharvikjuangitni (2022-23 unalu aulahimaaqtuq);
- Havaqatigilugit Havagviat Munaqhiliqijikkut (HEA) pivalliajaangat aulatitijaangatlu aihimavikhaq aulahimaaqtukharnik munagivikharnik ilitagidjutikhaqaqtukharnik ilihairutingnik (2022-23 unalu aulahimaaqtuq);
- Aulatitilutik munarhikharnik ilihairutingnik talvani Kangiqlinirmi aulatitilutiklu hivunikharnik aanniaqtailiqinikkut ilihairutikharnik Iqaluktuutiami ilihairjumiqtitijaangat munarhiumajunun ilihairutikharnik (2022-23 unalu aulahimaaqtuq);
- Aulahimaarlutiklu ajuiqhautikharnik tuquffihuktitauhimanikkut-naunairutikharnik atuqtakharnik inuulirijiimi havaanganik ilihairutingni unalu Ilitagidjutikharnik Iliharvikjuanganik Naunaitkutikharnik Munarhiliqinikkut (aulahimaaqtuq); unalu
- Aulalutiklu aulatitijaangat atuqtakharnik talvanga Nutarannuat Ilihalihaaqtut ilihautikhait (ECE) ihivriuglugit aulatihimaarlugitlu ihuaqhaidjutikharnik ECEngit ilihairutikhat aulajaangat talvuuna atuqtakharnik (2022-2024).

Ikajugianganik malikhautikharnik hivunikharnik hanaqidjutingnik kavamaptingni, angirutiqagiikhimaliqtutin imailiugiangat:

- Ilitagilugitlu pidjutikharnik atuqtakharnik hanahimaaqhutik ajuiqhajut pijaangat naunaitumik havaanganik havagiikhimavakhimajainik Nunavunmi havaqatigiiklugitlu NHCKut napaqtihiarnaikkut ihuaqhahimaarnaikkutlu havaaqharnik Hanauhimaaqtunik Ilihaqtun Havakhimaaqtuniklu Ajuiqhajunun (2023-24);
- Ihivriuglugit naunairutikhat talvuuna hivuliqpaanguliqtuq Ilitagidjutikharnik Naunaitkutingnik Inuulirijiimi Havaanganik aulajaangat naunairutikharnik pidjutikharnik hivutunikharnik ilihairutingnik allanun ilihairutikharnik (2023-24) unalu
- Qiniqhimaarlutiklu pidjutikharnik havaktilunik ajuiqhajukharnik/ajuiqhautikharniklu ilihairutikharnik ajuiqjumiqtitijaangat Inuit ilihajukharnik talvuuna Inuuhilirinikkut ilihairutingnik (2023-24).

## **ILAUJUT KIURUTIKHANGIT**

Ilaujukharnik talvani atuqtakharnik piumaluaqtainik titiraqhimajut qaangani, kiugiaqaqtutinlu taimaitkuvini:

- Ilaujut Ministait Katimajujut talvani Ihumaliuffaarniq talvuuna Ilihainikkut Ajuiqhautikharniklu

## **HAVAQATIGIIRNIKKUT**

Katujjiluta atiinaungituuq uvani atuqtakhaptingniituuq. Malikhautikhaq hivunikhaliurutiqaqhimajuuq naunairutiqaqtuuq atuguminaqtumik auladjutikharnik qanuq havaqatigiirniqaqtugut atautimiitluta

iniqtigijaangat uqagiikhimajaptingnun Nunavunmun. Ilitugipkaktilutin piumaluaqtangnik, ajungnairutiqaqhimajunga taimailiurniaqtugut:

- **Havangniaqtavut Ministangit Katimajjiujutlu** aulatitijaangat iliqatigiiktakharnik aturniaqtaptingni;
- **Hviutunirmun akhuqhaidjutikharnik havaqatigiiktukharnik** Nunavut Tunngavikkut Timinga Avikturnirmiitun Inuit Katimajjigit nalautitijaangat hanaqidjutikhaptingnik hivunirmun naunaitumun auladjutikharnun;
- **Napaqtigijaangat katiqhimanikkut ikajuutikharnik amigairjumiqhimajut ihuarutikharnik Inuit havaktikharnik** talvani kavamanmi havakhimaaqtunik ikajuktunun; unalu
- **Tautuktitihimaarlutiklu Inuit inuuqatigiingnikkut akhuurutigijangit unalu Inuit Qaujimajatuqangit** hanaqidjutikharnik iniqtigijaangat naunaituq hivutunikharnik allanguqtirutikharnik.

Talvuuna Nunavut Inirniit Ilihaliarpaarvikkut (NAC) Katimajjujut Katimajjit, Tuglia Atangujaq kiudjutiqaqhimajurlu ikajukhimaarnikkut ilingnun tikiutijaangat havaktakharnik iniqtitijaangatlu munagidjutikharnik talvani itunik havaktamingnik naunaitkutingni. Munagidjutiqaqtutin tunijaangat naunaitunik havaktauhimajukharnik talvunga Ikhivautalik Katimajjujut Katimajjit, ilaujutlu atuqtakharnik havaqatigiirnikkut iliqatigiirnikkutlu talvani hivutunirmilu Nunavut Kavamanmi.

Quviahuktunga niugiuktungalu havaqatigijaaffingni talvuuna pivalliadjutikaharnik naunairutiqaqhimajut havaqatigiirnikkut havakhimaarnirlu tutqikhaidjutikharnik havaqatigiirnikkut hanaqidjutikharnik ihuarutiniaqtun ubluq tamaat inuuhirun Nunavunmiunun tungavikharniklu ajungnairutikharnik hivunikhaptingnun.

Pittiarnikkut,



P.J. Akeeagok  
Hivuliqti Nunavunmun

cc. Jimi Onalik, Tugliuyuq Ministamun Tikkuqaqtauhimajunulu Katimajjit Titiraqti,  
Kavamaliqiyitkunni